



世家卷第十六

高麗史十六

正憲大夫工曹判書集賢殿大提學知經筵春秋館事兼成均大司成臣鄭麟趾奉
教修

仁宗二

己酉七年春正月丙戌金遣寧州管内觀察使楊公孝來

賀生辰 己亥樞密院副使韓冲卒 己酉以鄭旌

淑為刑部尚書 二月辛亥移御仁德宮 己巳封

肅宗妃王氏為貴妃崔氏為淑妃 西京新成宮

壬申幸西京 戊寅入御新宮 三月己卯朔御

新宮乾龍殿受群臣賀上京留守近西京牧都護表

賀 癸未宴群臣 庚寅至自西京赦詔曰因時乘



變不常厥居自古而然海東先賢有言創宮闕於大
花勢以延基業今既相地創造新宮順時巡遊思有
恩澤遍及中外其犯死罪者流配犯流以下原之曾
配流者除不赦重罪外並許量移給還柘後京妻子
職田李之美兄弟許令任便聚居一處西京及所過
州縣山川^神祇各皆尊號新闕主山秩載祀典西京及
所過州縣耆老孝順節義鰥寡孤獨及篤疾者賜酒
食仍賜物有差侍從官及西京文武官營造新闕官
吏並賜爵一級下逮僕隸悉推恩澤 乙未幸妙通
寺 辛丑幸外帝釋院 癸卯王視國學釋奠先聖
獻以銀盤二事綾絹三十匹御教化堂命大司成金

富轍講書無逸篇使起居郎尹彥頤及諸生講問大
義賜率樞侍臣學官諸生酒食學官諸生表賀 丁
未慮囚 戊申幸普濟寺 夏四月癸丑設金剛經
道場於天成殿 戊午王如安和寺 庚申延佛骨
於大安寺置仁德宮 五月庚辰起居郎尹彥頤左
司諫鄭知常右正言權適上疏論時政得失王優納
之 丁亥移御延德宮冊任氏為王妃 庚寅移御
壽昌宮 甲辰詔曰先王之法正刑名詳分守大為
之備曲為之防冠冕之式衣服之制上下有別尊卑
不同故貴不以通而賤不敢踰人心定矣逮德下衰
法典時弊衣服無等而人不知節儉我太祖之開國

也克慎儉德惟懷永圖景行華夏之法切禁丹狄之俗今則上自朝廷下至民庶競華靡之風襲丹狄之俗徃而不返深可嘆也今朕庶幾率先以葦末俗其乘輿服御之物皆去華尚質資爾公卿大夫其體朕意奉而行之 六月戊申朔王如奉恩寺 庚戌中書門下奏曰忠州人劉挺弑父其收守及州吏不能教民請皆下吏仍降州為郡王問左右對曰禮云邾婁定公時有弑父者殺其人壞其室滂其宮而止耳不言其所居州邑則降州為郡非古法也從之 戊午慮囚 辛酉設菩薩戒道場於重華殿 秋七月丁丑朔太白晝見經天凡十五日 戊戌幸王輪寺

八月戊申御書籍所命承宣鄭沆讀宗朝忠義集王欲以聽政之暇與諸學士講學以壽昌宮側侍中邵台輔家為書籍所哀集文書令大司成金富輒禮部員外郎林完典諸儒臣更直 癸亥移御仁德宮 丙寅以久雨祈晴于山川佛宇 辛未幸晉濟寺 乙亥幸外帝釋院 閏月己卯遣兵部郎中崔灌如金嶺天清節 九月丙午朔日食 壬子王如安和寺 庚申慮囚 癸酉設百座道場于法王寺三日令內外齋僧三萬 冬十月壬午分遣使於東北兩界宣諭諸城官吏問民疾苦點檢兵仗 十一月乙卯遣胡仁頴如金嶺正 丙辰遣盧令瑒洪若伊

如金進誓表曰使節賁來訓辭密諭研縷聞命凌兢
失圖竊以周官司盟掌其盟約之法盟邦國之不協
與萬民之犯命而誅其不信而已至於衰季春秋之
時列國交相猜疑不能必於誠信而惟盟誓之為先
故詩人譏其屢盟而夫子與其胥命伏惟皇帝陛下
至德高於帝先大信孚於天下光開一統奄有四方
大邪震其威小邪懷其惠惟是小邑介在妨隅聞真
人之作興先諸域而朝賀故得免仿風之罪辱儀父
之襲略諸細故待以殊禮錫之以邊鄙之地諭之以
貢輸之式朝廷更無於他故屬國敢有於異心而嚴
命荐至敢不祇承謹當誓以君臣之義世修藩屏之

職忠信之心有如皦日苟或渝變神其殛之又謝還
送金織衣崔頰喜反無主馬匹表曰聖德方增大畏
小懷而咸造龍光普被薄物細故而靡遺臣聞費書
稱馬牛其風臣妾遁逃勿敢越逐祇役之訖雖諸侯
之事然其言有諧於墳典其教不戾於帝王故編之
乎聖人之書而次之於天子之命執法萬世稱為六
經伏遇皇帝陛下神明教興威德兼備通達之屬莫
不服從夷夏之民皆為臣妾矧惟下邑附近東隅處
國奉藩早畫畏天之禮推恩字小已蒙割地之仁况
承皇使之移文更覺宸慈之決物在邊境之末事尚
不遺忘見朝廷之至仁務為寬厚顧惟孤寡何以勝

堪瞻言咫尺之威第識拜命惟是春秋之事庶無後
倫 庚申大霧晝晦凡十餘日 丙寅移御壽昌宮

癸酉遣文公裕如金謝賀生辰 十二月丁丑大

閱于東郊 癸未慮囚 庚子以太原公恂檢校太

師守太保兼尚書令崔滋盛為尚書左僕射恭知政

事文公仁為吏部尚書知門下省事林景清為刑部

尚書同知樞密院事李俊陽為殿中監樞密院副使

庚戌八年春正月己酉幸神農悅 庚戌金遣劉汴來賀

生辰 庚午設帝釋道場于重華殿 二月壬午移

御仁德宮 己丑移御壽宮 三月壬子慮囚 己

未慮令瑤等還自金詔曰省所上稱謝進奉銀器茶

布等物并付進誓表事具悉朕不已而征見立俘於

二罪非常之慶遂誕告於四方鄉荐守王藩篤守臣

節露囊章而展謝旅篚貢以將誠載念忠嘉豈忘嘆

尚有所合諭事件具如別錄至當深省以善後圖別

錄云朕遣伯淑宣諭去時止言保州虛城將來到彼

若是所約是伴一畢從更加懇求即當割賜洎其金

子鏐入朝所上表內妄稱投入戶口交付之事既積

歲年之久復由風土之殊罔有安存悉昏物故許令

小國當取便宜致於回詔特諭尚托言於戶口未別

奏於誓封但其事以訖成忠於世而可信所諭

之言其或不定所得之地將何以憑又司古德韓昉

等奉使亦仰如上具款議及回來奏稱將到語錄依
前篩言臣父先王生前不獲前後屢降詔書未曾却
有起一釋放戶口專俟將來進上誓表必以依從今
覽來表文意似重訖無歸納戶口辭語必謂入賀生
辰正朝至于橫使不失其時况又從命上訖誓表足
絕猜貳故以不言付之事若計前後新舊戶口其數
不少無因俱為物故除當日陣亡後因病卒者自無
追索外至如身沒須有遺骸更或本身見在并其諸
子孫婆婦等戶並委疾速刷會見數具表奏聞即當
諒察如或果難依應所進誓表亦無為定又盧令瑤
等在金國欲起館帝遣節度使班資成傳旨云昨來

趙家父子皆信因發軍生擒在此降封昏德公重昏
侯屬次差發報諭使同言報諭回謝使進表即日准
到雖表內誓意尤重不錄遠近累次費從投入戶口
之語既推誠立誓礼合專使上表却行附帶於礼不
可至如表內事理了當也合怒容回次使副申覆國
王後次具錄遠近新舊脅從投入戶數隨表進來
丁卯辛靈通寺 夏四月甲戌宋遣進武校尉王正
忠來王受詔于重華殿詔曰惟王緬受基圖夙同文
軌乃附乘桴之訊願修貢篚之恭惟忠順以無他質
神明而靡愧屬閔聞聽良用嘆嘉言念比年實惟多
故舉中原之生聚遭敵強之震驚既涉地彌深猶稱

兵而未已茲移仗衛暫在江湖若信使之為來恐有
司之不戒俟休邊警當問聘期竣晉館以納車庶無
後悔閉漢關而謝質非用前規諒彼素懷禮吾誠意

辛巳王如安和寺 丁亥禘于大廟 戊子日官

奏今早甚請禱雨于廟社山川從之 知御史臺事

李周衍中丞任元濤雜端皇甫讓侍御史高唐愈殿

中侍御史文公元等上疏言時弊王只從二三事

己丑賜朴東柱等及第 辛丑門下侍中李公壽典

兩府大臣會議會百寮出米有差設齋于規聖靈通

二寺為國家禳災祈福 五月丁巳設佛頂道場於

重華殿七日 六月壬申王如奉恩寺 癸未雨雹

乙酉設菩薩戒道場於重華殿 丁亥慮囚 癸

己以金富倫守太尉判秘書省事柱國金富執判三

司事崔滋盛判尚書禮部事文公仁判尚書刑部事

秋七月甲辰承化伯禎卒 乙卯供佛骨於重華

殿 庚申左遷侍御史高唐愈為工部員外郎 己

巳采使王政忠還附表云制辭坦明虜意懇惻恭承

訓及不覺涕零恭惟皇帝陛下靈承帝遷紹撫皇統

時惟多故乃艱難啟聖之期命靡有常保曆數在躬

之慶顧惟下國邈在遐陬第劇震驚莫能奔問惟有

春秋之事可達意於明廷願踰朝夕之池獲升聞於

行在豈圖微懇上簡清衷特遣玉人遠將皇命蓋因

邊警俾緩聘期奉詔以旋捫襟自失既不能渡涉山
海致命於勤王又未及奉遵典章趨時而修貢徒抱
疹心之痛但修享上之恭情非有他神聽無妄祈天
永祚但願宣王之重興拭目觀光行恭肅慎之未賀
瞻望宸極神魂飛揚 八月甲戌幸王輪寺 癸巳
遣梓如金賀天清節 乙未幸西京 壬子命置河
叱波拘神道場于弘慶院般若道場于選軍廳皆二
七日從妙清之言也 乙卯慮囚 冬十月壬申至
自西京詔曰寡人以涼德承襲社業克艱克慎若涉
冰淵日者陰陽家流據古人之言奏請西幸朕從而
行之今已還闕將以小恩普及中外其犯死罪餘刑

流配流以下原之曾配流者宥之其不可除者許令
量移加所過山川神祇號行從及西京文武員寮吏
人各加同正職掌固入仕雜類賜物有差譽者年及
孝順節義鰥寡孤獨篤廢疾賜物有差 癸酉以慶
龍節慮囚 丁丑設無能勝道場于選軍廳三七日
從妙清之言也 辛卯宴宰樞于便殿咨訪政事夜
分乃罷 十一月甲辰遣閣門副使李許如金謝賀
生辰 庚戌遣殿中內給事崔允淑如金賀正 乙
卯移御壽昌宮 壬戌諫議安稷崇等上疏論時政
十二月乙酉遣左司郎中金端如金請免追索保
州投入人口表曰聞命以還精爽震越草芥之懇輒

復剖陳神聖之慈莫賜矜察退惟踰僭愈切兢惶伏
念臣蕞然薄材職是小國值真人受命興大業以統
天即慕義以入朝遂稱藩而修貢皇帝陛下仁深解
網德厚包荒諒其面內之勤推之字小之會天會四
年丙午九月日遣宣諭使高伯淑來傳詔旨亦有口
宣保州城更不收復其投來人口亦令小國取便臣
當持跣踏下階拜受明命嘉興臣民懽忻感戴區區
之心已兼表謝又天會六年戊午十二月日報諭使
司古德韓昉來傳列錄保州之地初有詔諭更不收
復意謂必能祇率舊章遵奉王室故朝廷不愛其地
特行割讓爾後數歲尚未進納誓表於理豈為使穩

及自來費從并逃移戶口其數頗多皆稱物故殆未
可亮又昨來勅旨許賜保州並無一城境內語句兼
未畫定界至自是見得係內地分宜約束封吏右上
數事爾國果能推誠享上即納誓表皎然自明朝廷
亦當回賜誓詔兼別降指揮申畫封疆一切務從寬
大成長久之計又韓昉移文館人曰朝廷方以大信
示天下肯欺爾國臣受言書之明白感德意之殊尤
指天誓心拜獻章表竊意宸慈俯賜誓詔而璽書荐
至訓勅加嚴彷徨憂懼不知所圖況念人物投來之
事是臣父先王未獲臣事上國時薄物細故而責之
若此非乖小國虔賴之心亦恐非朝廷以至于仁大

德寵綏下備之意此臣所以披肝瀝血干冒天威不能自止者也伏望皇帝陛下俯同明矧深賜哀憐法先王綏遠之經用大漢釋逃之制持允至誠之請曲推全度之恩雖小恒以無能必激昂而論報葵藿之志向日以長傾江漢之流朝滄海而不息皇天后土鑑臣此言曰詔曰省所上表并進奉御服衣帶銀器合物等鄉存志協輔職在正封稽首稱藩務協畏天之儀克庭祇貢聿陳享上之儀言念忠勤不忘嘉嘆所告奏事續當報諭 甲午黜于闕庭 丙申以文公仁叅知政事金富軾為政堂文學修國史林景清知樞密院事李俊陽同知樞密院事任元敦為樞

密院副使

辛亥九年春正月乙巳金遣李鉅烈來賀生辰丁未宴于

重華殿 庚戌鉅烈還附表以謝 乙卯御史雜端

鄭漸等上疏論時政得失 二月丙子移御仁德宮

己卯賜元子名昌遣使賜禮物權設東宮位於中

書門下廳事受詔王御政事堂東帳殿觀禮仍宴宰

樞臺諫 辛巳齊安公偕卒 三月辛丑設佛頂道

場于天成殿 甲辰制文官常參以上及翰林院館

國學寶文閣式日都兵馬迎送都監行營錄事軍候

員武官四品以上各上封事言軍國利害 戊午慮

囚 庚申右散騎常侍鄭俊侯知御史臺事李周衍

等上疏論事 癸亥制無伐木無麇無卵掩骼埋胔
葦東西大悲院濟危舖以救民疾 甲子禁諸生治
老莊之學 夏四月丙子王如安和寺 戊寅改元
子名徽以崔湍鄭俊侯為左右詹事 壬午移御壽
昌宮 己丑宋都綱卓榮來奏云少師劄光世遣將
黃夜叉將大兵過江擊破金人橫尸蔽野降三千人
半是漢人自兩浙至河北僅平安皇帝駐蹕越州改
建炎五年為紹興元年正以榮所奏狀示宰輔曰前
者侯章歸中孚來請援不能從又揚應誠欲假道入
金又不從自念祖宗以來與宋結好蒙恩至厚而再
不從命其如信義何崔弘宰皆言遣一介行李告奏

便 辛卯制曰尚書戶部郎古大司徒之職其以

五典教民 乙未再雩 五月戊戌制每四孟月初

視朝命官讀時令 辛丑大雨 甲辰中書門下奏

今重修宮闕令兩府宰樞監督此所謂十年九牧宜

減員數從之以平章事崔弘參知政事文公仁知樞

密院事林景清董其役 丙午制令百官各寫太祖

誠百寮書藏于家以訓子孫 乙丑太白晝見經天

百餘日 六月丙寅朔王如奉恩寺 己卯慮囚

庚辰設菩薩戒道場于重華殿 制曰傳曰國之將

興也視民如子將亡視民如草芥故先王以不忍人

之心行不忍人之政去冬營宮三道伐木民死於役

者頗衆宜發官粟贖其妻子 丁亥叅知政事李璿
卒 己丑慮囚 秋七月癸卯慮囚減死罪五十
六人杖配有人島 丁巳幸王輪寺 己未太白經
天 八月丁卯移御仁德宮 壬申召兩府宰臣于
便殿問軍國事 丙子日官奏近來巫風大行淫祀
日盛請令有司遠黜群巫詔可諸巫患之斂財物買
銀瓶百餘賂權貴權貴奏曰鬼神無形其虛實恐不
可知一切禁之未便王然之弛其禁 乙酉西北面
兵馬使奏金主率兵三萬到東京其意難測王命臺
省知制誥各上封事 辛卯遣持禮使閣門祇候庾
績如金東京 癸巳遣兵部郎中王洙如金賀天清

節 九月丙申以李公壽檢校太師守太傅門下侍
中判吏部事崔思全守太尉門下侍郎平章事金珣
檢校太尉守司空門下侍郎同中書侍郎平章事並
仍令致仕加崔弘率判吏部事崔滋盛檢校司空中
書侍郎判兵部事文公仁檢校司徒中書侍郎平章
事西京留守事金富軾檢校司空叅知政事崔需為
兵部尚書翰林學士承旨任元凱同知樞密院事
丁酉直門下省安稷崇右諫議李伸中書舍人林存
左司諫崔誠等奏曰東京持禮使書狀官崔逢深本
武舉人書狀非其任又嘗大言國家興我壯士千人
則可入金國虜其主來獻其狂妄如此竊恐生事不

宜遣之伏閣固爭三日不允 戊戌太白晝見 庚
子王如安和寺 癸丑慮囚 壬戌度償以金主率
東京不達而還 冬十月甲子朔設佛頂道場于天
成殿 癸酉幸法王寺設百座道場三日命內外齋
僧三萬 庚辰王妃任氏生子楷遣御史大夫任元
濬賜教書禮物 十一月己亥遣禮部郎中高唐愈
如金謝賀生辰 庚戌遣尚衣奉御李仲衍如金頌
正 乙卯移御壽昌宮 十二月辛未復遣持禮使
度償如金東京 壬申慮囚 壬午加崔弘宰檢校
太傅崔湍判翰林院事任元敦為左散騎常侍 己
丑設般若道場于重華殿

壬子

十年春正月己亥金遣永州觀察使高成山來賀生
辰 壬寅始修宮闕 癸卯宴金使于仁明殿 己
酉高成山還附表以謝 二月癸酉移御仁德宮
乙亥移御壽昌宮 辛巳遣禮部員外郎崔惟清閣
門祇候沈起如宋上表曰屬兩聖之遠征既不能奔
問官守及大人之繼照又未得稱金闕庭鼎於戊申
年國信使楊應誠欲假道入金命雖出於重嚴事固
難於承稟尋差單介肩負忱誠又於庚戌年王政忠
未傳詔旨有俟休邊警當問聘期之語臣禮訓旨之
丁寧不敢致朝宗之禮感恩靈之優渥切欲伸歸嚮
之勤遂陳蝼蟻之心控告雲天之鑑上尊周室媿莫

追晉伯之前功內屬漢庭莫不失朝鮮之舊事 壬
午幸西京行過國學諸生迎謁前路養正齋生崔光
遠上疏言時事 三月癸巳設仁王道場于長樂殿
甲午幸大華宮 丙申宴群臣于乾龍殿 庚子
移御九梯宮 辛丑幸永明寺 壬寅御麒麟閣命
國子司業尹彥頤易講乾卦令承宣鄭沆禮部郎中
李之伋起居注鄭知常等問難 癸卯命鄭沆講禮
記中庸篇又命題使大學博士郭東珣等十八人賦
詩 丙午設仁王道場于觀風殿 庚戌御長樂門
外帳殿閱射 己未金東京持禮使烏彥貞來 夏
四月己巳以睿宗忌生如長慶寺行香 辛未寺太

尉判秘書省事金富倫卒 壬申設藏經道場于天

成殿 甲戌以鄭沆尹彥頤鄭知常再赴經筵講經

並賜花犀帶一腰 丙戌御龍舟于大同江以忌月

樂懸而不作鄭知常奏禮有忌日未聞有忌月若有

忌月則有忌年矣請作樂以副都人士女之望制可

閏月甲午至自西京赦入御仁德宮 乙未移御

壽昌宮 丁未賜光遠等及第 五月丙子御史大

夫任元濤等以貢院試題錯誤上奏請追奪今年及

第名牌改試不報元濤等退而待罪臺空凡七日又

國學生井彥伯等五十人工書請改試命國子司業

李之伋宣諭諸生曰謗訕朝政固有常刑今姑赦之

汝等宜精修行藝以待來選 癸未崔惟清等還日
宋曰詔曰朕省方南國通道東籬載嘉享上之恭重
有觀光之請歸視事於宰旅將效勤誠會諸侯於塗
山更慚寡德爰即乘輿之所幸以須信使之來庭顧
秋塞馬肥或戒嚴之未暇而春朝舟楫庶利涉以無
虞 六月庚寅朔王如奉恩寺 丙申平章事崔滋
盛吏部侍郎林存罷 甲辰設菩薩戒道場于重華
殿 秋七月庚午復以崔滋盛為中書侍郎同平章
事 京城饑穀賁物戒銀瓶事直未五碩小馬一匹
一碩棕牛一頭四斗布一匹六升街巷餓殍相望
八月己酉左正言朴廷蕤伏閣上疏言事三日不報

壬子琴見長三尺 九月甲子王如安和寺 辛
未慮囚 壬申出御天壽寺 冬十月甲午移御國
清寺 丙申還御大明宮 辛亥御崇文殿閱射中
者賜物有差 十一月甲子移御壽昌宮 己卯制
曰朕以涼德獲承祖業適當衰季累更變故夙夜勉
勵庶幾中興訓有之曰積教萬歲必得冬至甲子日
月五星皆會于子謂之上元以為曆始開闢以來聖
人之道從此而行今遇十一月初六日冬至其夜半
值甲子為三元之始可以革舊為新爰命有司舉古
賢遺訓創西京大華闕咨爾三事大夫百官庶事共
圖維新之政以增永世之休 庚辰御明仁殿下制

曰朕以幼冲即位未堪家多難雖臨政而願治不違
康寧固無德以處宜凡所施為不克當天心是以山
崩水湧變異繼作慄慄危懼若將隕于深淵尚賴耆
舊忠義之臣匡救之力革去舊轡一新政理顧以不
能處置事無大小動輒害於國體者多矣然所惜大
者惟丙午一事耳粵惟外家形勢熾甚僭忒過度不
可沮止圖為不軌竊窺神器祖宗基緒幾至墜失故
出於不得已聽有司之議徇法定罪噫大義威親古
亦有之然親之恩天性自然每一念來痛心切骨
抑所謂黨與者雖附權托勢豈其一切與圖不軌故
數下寃宥之今而有司不體朕心上言不已必欲罪

以不臣至使人心扇動中外騷然懼罪憂憤致傷和
氣餘已流竄者定罪書名于文籍外凡所有刑駁文
簿藏在有司者悉皆焚之外庭蕩滌瑕垢大開自新
之路自今以後文武之臣惟以是非善惡褒貶黜陟
不復汚以前事如拓俊京罪惡極重然其功亦有可
錄法當功罪相除可還其子職田除蔡碩李侯進外
其妻子不復生此亦罪人不挈之儀也書曰令出惟
行不惟反自丙午以來下旨赦四而有司不肯奉行
臣不行居令國體所以漸輕也朕甚患之自今以後
若有敢言此事者以違制論 十二月庚子慮囚
丁未以金富執守司空中書侍郎同中書門下平章

事李俊陽為尚書左僕射李寵麟叅知政事崔滯為
吏部尚書知樞密院事

丑癸

十一年春正月癸亥金遣高棟可來賀生辰 二月

庚子移御仁德宮 癸卯臨軒冊封元子鞏為王太
子冊曰易以一索為長男之位記以三善為世子之
禮古之王者曷嘗不封立上嗣以固宗廟社稷之本
以定君臣父子之分迨爾元子天賦英銳之性幼挺
岐嶷之表雅不好弄自知嚮學讀書若宿習揮翰若
神助德行協於元良天序當於儲貳必能承乂鬯之
嚴塞中外之望今遣使冊爾為王太子於戲惟至仁
可以主重器惟作善可以保令名爾其慎時習敏厥

修疏遠邪佞之人親近方正之士惟忠孝之是務非
禮義而勿殘承祖宗之耿光以永邠家之景業 甲
辰移御壽昌宮 乙巳遣韓惟忠李之氏如宋謝恩

行至洪州海上遇風幾覆貢篚霑濕不達而還 三

月庚申幸普濟寺 丙寅慮囚 庚午移御仁德宮

以封王太子赦還御壽昌宮 夏四月己丑以文公

仁判尚書兵部事監修國史崔滯叅知政事判尚書

工部事兼太子少保任元欽叅知政事判翰林院事

林景清為尚書右僕射任元濤同知樞密院事韓惟

忠為樞密院副使 唐寅移御大明宮 乙未王如

安和寺 甲辰制曰恒陽作沴亢旱為災竊恐政令

煩苛刑法慘酷或困于獄人不堪其苦京官及兩京
留守兩界兵馬使諸道按廉使親監牢獄徒重囚出
輕繫 戊申設金剛經道場于崇文殿七日 五月
乙丑詔曰朕以薄德適遭厄會宮室燒焚倉廩空匱
朝廷未正風俗滯薄而政理寡術施設乖方上下人
心日益頑鄙遠近民業日益彫殘夙夜懼恐不遑寧
處今諫官奏曰京畿山野蝗虫食松此蓋國多邪人
朝無忠臣天意若曰居位食祿無功如蟲矣救之不
早則兵起舉有道置高位災可消也古人云臣安祿
位茲謂貪歛災虫食根德無常茲謂煩虫食葉不黜
無德虫食本無東作爭虫食莖蔽惡生孽虫食心昔

晉武帝寵任賈克楊駿有虫蝗此不黜無德之効也
梁大同初蝗食松柏葉京房曰食祿而不益聖化天
視以虫：無益於人而食萬物此公卿食祿無益之應
也天災以類而見知臣莫若君請進賢退不肖而剛
斷不疑此乃有司善則稱君過則稱己引咎自陳耳
朕求理雖切而德實不類政弊民殘既不能知人可
用者遺之無用者性之庸人鄙夫濫進列位營私害
公貨賂大行公道閉塞為害滋久其懷忠抱節可以
裨益者畏害暗默隨俗進退此上天所以降災異也
今宰輔群公引古論列者方將善：惡：激清國事
者也朕雖不敏昌言謹議敢不樂從凡有內外官僚

其有貪污謀利暴惡殘人或懦怯不肖無益有損者
非不知之然不教而誅之虛習俗已久遽置罪責朕
所不忍有司宜丁寧告諭使之自新苟不革心長惡
不悛者勿論親疎貴賤皆繩以法其有清白奉公節
義殊異者宜各褒舉 丙寅集巫三百餘人于都省
廳祈雨 壬申從市 御崇文殿命平章事金富軾
講易尚書使翰林學士承旨金富儀知奏事洪彞叙
承宣鄭沆起居注鄭和常司業尹彥頤等問難 甲
戌命金富儀講書洪範 戊寅命尹彥頤講中庸
六月乙酉王如奉恩寺 庚寅慮囚 戊戌設菩薩
戒道場于崇文殿 己亥又聚巫禱雨 辛丑令百僚

設齋以禱 乙巳再雩 庚戌三雩 制曰近來世道
漸降風俗澆薄不孝不友或棄孤幼去妻妾或居憂
遊蕩父母骸骨權攢寺宇至有累年不葬者且令有
司檢察治罪如有貧不能葬者官給葬費 辛亥左
遷崔弘率守司空右僕射以李俊陽為中書侍郎平
章事 秋七月甲子御壽樂堂命金富軾講易乾卦
丁卯又講泰卦 辛未大雨 庚辰移御壽昌宮
八月壬辰幸普濟寺 辛丑幸外帝釋院 賜金于
蕃等及第 九月甲寅遣禮賓少卿鄭澤如金賀天
清節 戊午王如安和寺 乙丑幸妙通寺 丙寅
慮囚 庚辰門下侍中致仕李瑋卒 冬十月辛丑

設百座道場命內外齋僧三萬 丙午親饗年八十
以上老人及孝順節義鰥寡孤獨篤疾癯者賜物有
差 丁未金東京回謝使殿中侍御史高安元來
十一月戊午遣郎中金永錫如金謝賀生辰 甲子
移御延慶宮 遣慎和之如金賀正 丁卯移御壽
昌宮 癸酉以文公美判吏部事 甲戌起居郎鄭
知常奏長公主年壯不可久留大內請出嫁 戊寅
兩日並出 以崔允儀為殿中內給事李仲孚為起
舍人 十二月己亥以金富軾判兵部事崔濡判禮
部事任元欽判工部事林景清守司空任元濤為禮
部尚書知樞密院事金富儀為吏部尚書康侯顯為

御史大夫

甲 十二年春正月丁巳金遣諫議大夫張浩來賀生辰

辛酉幸神象院 乙亥祭籍田始用大晟樂 戊

寅白虹貫日 己卯以淨心為三重大統知刺漏院

事賜紫 二月乙酉白氣貫日 移御仁德宮 丁

亥宴群臣于康安殿故事封王太子則設宴值國家

多事至是乃行 丙申移御壽昌宮 癸卯幸西京

至馬川亭親從將軍金勇馬驚若有物驅之急逸過

駕前勇墜地幾死 己酉駕至大同江御龍船宴扈

從宰樞侍臣及西京留守官忽北風暴起船上帷幕

器皿皆震動天氣大寒王遽起更衣促駕入宮 三

月甲寅移御大華闕駕初發暴風揚塵人馬不能前
執傘者亦不能行王手執幙頭入闕風小止 甲子
慮囚 丁卯至自西京入御壽昌宮 壬申以孝經
論語分賜閣老童稚 夏四月己丑王如安和寺
丁酉以任元歆為中書侍郎平章事 戊戌隕霜
丁未慮囚 五月庚戌朔集王于都省禱雨 辛酉
賜許洪材等及第 丙寅詔曰近者天變異常旱災
亦甚夙夜憂慮不知所為惟爾三品以上各上封事
陳弊政民瘼無有所諱 戊辰禱雨于諸陵及廟社
山川王謂太祖真殿流涕告曰臣實不德不能率先
王之成憲政不足以亮天地和陰陽是以天降之災

三月雪四月霜加以雷震人物四十餘所彌月不雨
赤地千里民不聊生餓殍相枕罪實在臣蒼生何幸
庶幾洗心悔過祖訓是式詩曰父母先祖胡寧忍予
伏望聖慈眷顧召集和氣鼓舞萬靈霽然下雨使予
小子與群臣百姓並受其福神亦永有所依又移御
大明宮下詔曰旱災方深田野枯槁恐失有年之望
以貽艱食之憂慮有無辜誤滯牢獄其犯二罪除刑
遠流以下罪悉皆原免 從市 己巳再雪 戊
寅地震 六月己卯朔集王二百五十人于都省禱
雨 東京地震 庚辰王如奉恩寺 辛巳御大明
宮壽樂堂命翰林學士金富儀講月令 太白晝見

經天 甲申震西京大華闕乾龍殿 庚寅慮囚

辛卯幸靈通寺禱雨 癸巳設菩薩戒道場于崇文

殿 甲午御壽樂堂命翰林學士鄭沆講詩七月篇

己亥親醮闕庭 秋七月甲子命贊文閣直學士

尹彥頤講月令 庚午幸王輪寺 乙亥大雨三日

是月遣內侍鄭襲明鑿河于洪州蘇大縣以安輿亭

下海道為衆汎所激又有岩石之險往復覆舟或有

獻議由蘇大縣境鑿河道之則船行捷利遣襲明發

旁郡卒數千人鑿之竟未就 八月庚辰移御壽昌

宮 庚子御明仁殿命翰林學士金富儀講書說命

壬寅召山僧繼膺講華嚴經 丙午遣借禮部符

郎朴景山如金賀天清節 九月丁未朔幸長源亭

癸丑王以文敬太后忌辰幸敬天寺行香 庚申慮

囚 冬十月戊子白虹貫日 庚寅移御國清寺

甲午入御大明宮 丁酉下詔曰舜曰咨爾二十

有二人欽哉惟時亮天工蓋非欽哉則有怠忽之患

非惟時則有後時之悔夙夜匪懈欽哉之謂也時哉

不可失惟時之謂也能欽哉惟時以亮天工則功之

所以成也今聞百官無思盡瘁以仕國多以逋慢而

曠職是以朝廷空事務廢是由元首叢眚故朕肱惰

廢事墮固其所也然太甲賴伊尹以興桓公得管仲

以霸凡百君子各揚其職同寅協恭興事造業以亮

天工致朕於無過之地於國有無疆之休豈不美哉
十一月丙午朔移御壽昌宮 戊申遣員外郎金
求寬如金謝賀生辰 壬戌遣戶部員外郎李軾如
金賀正 自十月至是月太白晝見經天 十二月
戊寅右正言黃周瞻希妙請鄭知常意奏請稱帝建
元不報

癸卯十三年春正月乙巳朔日食密雲不見 戊申妙清
柳昆趙匡等以西京反 辛亥以金富軾為元帥討
之 壬子記言西京兵至金郊驛西郊居民驚懼皆
挈家入城 金遣桂州管内觀察使高春等來賀生
辰 甲寅斬金安鄭知常白壽翰 乙卯西京將軍

一孟亡來告賊狀甚詳王拜官賜居第 乙丑詔曰
朕觀自古有國家者孰不欲致治長久而治亂相尋
者蓋緣時君之明暗政教之得失也朕以幼冲即政
素無知人之明偏聽近習之說致有西都之亂俯仰
深思不勝痛悔惟爾臺省侍從之臣朝野有志之士
論列平西之策及時政之失朕躬之愆無有所諱
西人斬妙清及柳昆遣分司大附鄉尹瞻請降 辛
未西京趙匡復叛 二月壬午白虹貫日 庚寅中
書侍郎平章事致仕金珣卒 丁酉門下侍郎平章
事致仕崔弘率卒 辛丑金報哀使檢校右散騎常
侍王政來癸卯王受詔曰上天降禍大行皇帝遣

疾彌留奄棄萬國攀慕哀號不克勝處朕欽承彝訓
繼迫輿情以彫之躬嗣在之業鄉緬聞訃音諒
極悲凝益勵乃心同底於理閏月丁未報哀使還
附表陳慰乙卯遣少卿金端侍御史李時敏如金
弔喪壬戌下詔曰罪已勃興魯史嘉大禹之德改
過不吝商書載成湯之明金率前脩以成其美朕以
後嗣之眇繼先世之豐長於深宮之中暗諸絳國之
務憂勤夙夜雖增若涉之懷制馭奸雄尚乏先幾之
見屬崇德之跋扈更丙午之擾攘鑿輿播遷宮室焚
蕩上辱祖宗之委寄每辜基業之延洪適有陰陽之
人出從鎬邑加之左右之薦待以大賢朕誠不明遂

忒其說乃創大華之新闕以期祖業之重興不思一
己之勞屢訪西巡之駕而吉祥之應蓋寡災異之生
浸多訖無明徵空速衆謗無成乃已朕方戒於聽從
彼昏不知日有懷於怨望擅興軍馬囚械官員以天
開表其年元以忠義覲其軍額公然徵集兵卒意欲
陵犯上都變出不圖勢將莫遏自古大逆之罪孰與
西都之人呂刑三千論罪莫先於無上舜功二十知
人實本於去凶是用先誅內應之奸遂有元戎之遣
然且約無掩擊待以歸降何逆命之至深乃嬰城而
固拒久勞於外士卒經時而未還不已于行饋餉屬
途而弗絕衆庶勞土遠近騷然况今慮已妨農久稽

月捷興言及此莫知所然履霜堅冰過本馴致痛心
疾首罪實在予所異在庭之臣勤王之卒奮共膂力
殲厥群凶上慰寡人之心次釋三韓之憤然後共補
不逮有望於將來永言自新幾無於二過所有悔過
自責之詔布告中外咸使聞知 壬申辛普濟寺
三月乙酉遣戶部尚書金仁揆禮部郎中王昌胤如
金賀登極 壬寅幸現聖寺移御壽昌宮 夏四月
丁未以鄭旌淑為尚書左僕射鷹揚軍上將軍 癸
丑王如安和寺 乙卯禘于大廟 六月癸卯朔王
如奉恩寺 己未宋遣迪功郎吳敦 禮來曰近聞西
京作亂倘或難擒欲發十萬兵相助 秋七月庚寅

移御仁德宮

丁酉慮囚

八月壬子御天成殿召

兩府大臣及侍從官侍坐命翰林學士鄭沆讀唐鑑

戊午移御壽昌宮

九月壬申幸普濟寺

乙亥

吳敦禮還王附奏曰西京之賊已殲渠魁餘黨嘯聚
據險自固欲速攻破慮多殺傷按兵圍城以待其降
賊勢日窘破在旦夕竊念海外小邦邊鄙細故豈足
上煩威靈故不敢控告今特遣使問助兵可否雖上
感大朝字小之意但理有不便難以承當况海洋萬
里險不可測天兵東下恐非便宜所下指揮乞行追
寢 丁丑王如安和寺 癸巳遣文承美盧顯庸等
賫牒如宋 冬十月丙午遣戶部郎中康福與如金

謝賀生辰 己酉移御仁德宮 辛法王寺設百高
座道場仍命內外齋僧三萬 癸丑幸外帝釋院
移御壽昌宮 十一月癸酉以韓惟忠為禮部尚書
同修國史李仲為工部尚書知制誥又以林景清守
司空尚書左僕射樞密院使判三司事仍令致仕
己卯以任元濤為吏部尚書金富儀為刑部尚書寶
文閣大學士 甲申遣員外郎郭東珣如金賀正
丁酉遣郎中文公元如金賀萬壽節 十二月甲辰
慮因 庚戌太白晝見經天 丙寅以崔湍守司空
中書侍郎平章事任元歆刑部事金克、檢為尚書
左僕射任元濤為樞密院使金富儀知樞密院事知

丙辰

制誥李仲同知樞密院事
十四年春正月乙亥金遣泰州管内觀察使蕭綬來
賀生辰 二月壬辰設天帝釋道場于明仁殿三日

丙辰金遣使來告太皇太后喪舉國素服三日
丁巳金富軾會諸軍攻西京城陷趙匡自焚死戊午
富軾奉表獻捷 丙寅幸長源亭 丁卯遣殿中監
尹彥植左司諫崔允義如金弔祭 三月己巳遣左
承宣李之氏殿中少監林儀下詔獎諭征西將帥賜
金富軾衣服鞍馬金帶金酒器香菓金正純金帶四
軍兵馬使副判官以下銀絹綾羅有差西京內外老
疾幼弱不能自存者量給米糶恤又按行城內外寺

院祠墓曾經破毀者並令修葺 癸未以金富執檢
校太保守太尉門下侍中判尚書吏部事 乙酉以
陳淑為禮部尚書同知樞密院事兼太子賓客 夏
四月己亥翔還御壽昌宮 唐子金富執凱還王謁
景靈殿告平西賊 丁未王如安和寺 五月甲戌
中軍兵馬使奏樞密院副使韓惟忠不顧國家安危
凡兵機動輒防遮貶忠州牧使 己卯以西京平敵
詔曰朕聞古典云無赦之國刑必平然今國家災厄
之所致實由朕之不德西都人無故犯順不得已行
師問罪勞弊甚重殺傷人命亦不少矣由是夙夜恐
懼不遑寧庶幾優渥之澤普被於民咸與維新之以

格善祥其犯大辟以下悉皆原之從軍將卒有功者
及陣亡者依丁亥年論賞兩京間驛吏賜復一年侍
御史金阜內侍黃文裳校尉盧資挺奉命陷賊見害
賜其子爵一級無子賜姪塔一人尹瞻常瑾英在城
中不與賊同謀見殺賜其子爵一級 六月戊戌王
如奉恩寺 辛亥慮囚 己未太白晝見經天 八
月乙卯幸長源亭 九月乙亥遣金雅規劉待舉如
宋明州滕云伏蕃近商客陳舒賚到公憑今來夏國
差列使人欲同使臣前去高麗議事差遣陳舒往高
麗於本國掌管事務官處密諭此意仍取回報前來
惟三韓自漢唐以來世事中原易其衣裳習其禮義

况我祖宗内附二百年于兹受累聖待遇之恩至深
至厚豈不欲一心以守藩臣之度哉而與金國疆域
相接不得已請和設開遣使與夏人偕來議事必為
陰與為謀因此猜怒兵出有名則小國敢未可得知
若微我為之藩屏則淮浙之濱與金為隣固非上國
之利也又上國興師取道於我則彼亦由此以行然
則沿海諸縣必警備之不服矣頃楊尚書至只欲自
與彼講好非有兵革之事尚不能副稱使旨至今舉
國待罪者豈有他哉其勢如前之所陳耳伏望執事
熟計之無使小國結怨於金上國亦無唇亡齒寒之
憂幸甚來明州回牒略云奉行則在樞密院劄字奏

勘會昨遣吳敦禮賫詔書兼令商人陳舒前去蓋緣
朝廷自祖宗以來眷待諸國恩義甚厚至靖康兵火
之後使命稍艱近者夏國密使到都督行府因遣敦
禮講命舊好且聞彼與金切隣因臣使往來當得來
兩宮安問耳至與兵應援假途祖征皆敦禮等專對
之辭非朝廷指授宜深見諒無致自疑 冬十月乙
未朔遣大府少卿申至冲如金謝賀生辰 辛丑盜
竊元陵祭器殺守陵三人 丙午幸天壽寺 甲寅
還宮 丙辰知樞密院事金富儀卒 十一月丙子
移御仁德宮 遣少卿李有開如金賀正 己丑遣
禮部侍郎李仁實如金賀萬壽節 庚寅樞密院知

奏事鄭沆卒 十二月辛丑慮囚 庚申以崔濡為
太子太保金克儉李資德任元濤並叅知政事陳淑
為兵部尚書知樞密院事

丁十五年春正月己巳金遣中書舍人吳激來賀生辰

二月移御壽昌宮 三月丁卯幸長源亭 戊辰

以任元歆檢校太保守司徒判秘書省事 乙亥西

京地震 戊子賜李信等及第 以任元濟為中書

侍郎同中書門下平章事判刑部事李資德判戶部

事康侯顯為吏部尚書知門下省事判工部事 夏

四月辛丑王如敬天寺 癸卯出御天壽寺甲寅還

宮 金稚規劉待舉曰自宋詔云干戈震擾老稚轉

移賴前好之不忘憫吾民之久寓假舟楫之利既獲

以歸返廬井之安各得其所尚慮遺氓之多有更煩

惠澤以哀斯俾涉信潮盡離遐嶠畫疆而守雖有限

於封圻愛人之心諒無分於南北有嘉誠節深副朕

懷 乙卯雨雹 五月乙亥巷市 己卯禱雨于廟

社 己丑祭天禱雨 庚寅大雨 六月壬辰王如奉

恩寺 庚子慮囚 乙巳設菩薩戒道場於明仁殿

秋七月丙子門下侍中致仕李公壽卒 九月乙

丑慮囚 丙寅王如安和寺 丁卯出御長源亭

冬十月乙卯還宮 閏月戊寅設百座道場於宣慶

殿三日命中外齋僧三萬 十一月癸巳遣兵部員

外郎柳昂如金謝賀生辰 庚子遣工部員外郎魯
洙賀正 戊申遣禮部郎中李亮如金賀萬壽節
丁巳青赤暈貫日太白晝見經天 十二月甲子以
崔滯守司徒太子太傅金克儉守司空叅知政事太
子少師李資德任元濤叅知政事太子少保陳淑為
兵部尚書知樞密院事崔濬為左散騎常侍樞密院
副使太子賓客 壬申判國子監事文公仁卒
戊十六年春正月甲午金遣永州管内觀察使杜誦來
賀生辰 二月癸亥遣持禮使閣門祇候崔沔如金
東京 甲子設消災道場于明仁殿五日 乙亥王
如興王寺 壬午詔曰帝王之德謙遜為先故老子

曰王公自稱孤寡不教漢光武詔上書不得言聖仲
尼亦不居仁聖而今下臣尊君推美稱為適當甚不
合理今後凡上章疏及公行案牘毋得稱神聖帝王
三月戊戌以陳淑為右僕射李仲為吏部尚書判
御史臺事 唐子慮囚 宋高吳迪等六十三人持
宋明州牒來報徽宗皇帝及寧德皇后鄭氏崩于金
壬子賜李大有等及第 夏四月癸亥王如興王
寺 丁卯兩電 五月甲午幸普濟寺 庚子命有
司錄囚詔曰朕以寡昧獲在尊位無德享天無恩及
物綱紀日廢人民凋瘵夙夜祇懼不敢違寧願以至
誠格天地之和氣宜令有司備物致祭國內名山大

川自五月十六日昧爽前內外大辟以下罪悉原之
前配流者量移諸色軍人雜類賜物有差令中外官
司及按察使等揚清激濁救民疾苦 庚戌改諸殿
閣及宮門名御書額號會慶殿改宣慶乾德改大觀
文德改修文延英改集賢宣政改薰仁膺乾改乾始
長齡改奉元宣明改穆清舍元改靜德萬壽改永壽
重光改康安乾明改儲祥宴親改穆親立德改萬寶
明慶改金明慈和改集禧五星改靈憲正陽改肅和
壽春宮改麗正望雲樓改觀祥宜春改韶暉閭闔門
改雲龍神鳳改儀鳳春德改棣通大初改泰定會同
改利賓昌德改興禮左右承天改通嘉延壽改敦化

長寧改朝仁宣化改通仙開慶改皇極景陽改陽和
金馬改延明天祐改紫宸通天改永通安祐改純祐
興泰改芬芳陽春改廣陽大平改重明百福改保和
通慶改成德東華改麗景西華改向成永安改興安
大清改清寧左右宣慶改敷祐左右延祐改奉明唯
慶寧殿秘書閣不改 六月乙卯朔王如奉恩寺
甲子慮囚 己巳睿宗貴妃王氏薨 秋八月乙卯
以金富執判禮部事李仲恭知政事判三司事崔溱
為兵部尚書知樞密院事金正純李之氏為樞密院
副使 壬戌出御興王寺薦福院 中書侍郎平章
事李資德卒 戊辰謁顯宗文宗真殿 冬十月壬

戊移御國清寺甲子還新闕先是以宮闕經火命有
司葺之是日百官陳賀置酒便殿諸王宰樞從官皆
侍夜分乃罷 丁卯設般若道場于大觀殿三日
十一月乙酉金東京知禮賓司事夏睦來報聘 己
丑遣刑部員外郎金臣璉如金謝賀生辰 甲午遣
考功員外郎劉邦遇賀萬壽節 癸卯幸集賢殿命
金富執講易大畜復二卦令諸學士問難王執經而
聽仍賜宴夜分乃罷 十二月己未以金富執檢校
大師集賢殿大學士太子太師崔濡為門下侍郎平
章事任元歆檢校太傅李仲為檢校司徒守司空尚
書左僕射判戶部事太子太師李之氏為御史大夫

同知樞密院事金正統同知樞密院事 癸亥設消
災道場於明仁殿五日



